

吉蠹集

賦箴贊銘詩
七之八



蝓蠃集卷七目錄

賦

錢塘觀湖賦

梅窓賦

澹仙賦

雲山賦

朝昇樓賦

思菴賦

箴



事茗齋箴

羅生佑徵字箴

贈汪子六箴

贊

直齋汪處士像贊

戴先生畫像贊

扶宗師畫像贊

香山九老圖贊

項龍淵畫贊

銘

周可山行義贊

武安王像贊

天池浴日研銘

四貞堂銘

樹德堂銘

順則堂銘 有序

琶塘胡氏新隄銘

虛吾生齋銘

書燈銘

太宰古冲翁歛石研銘

友山草堂銘 并序

石溪誕述

書悅言為汪廷和

蝓蟻集卷之七

吳門鄭若庸著

新安胡迪校梓

賦

錢塘觀潮賦

嘉靖丁亥仲秋既望予至自吳都次于武林乘
埤觀潮迺抽毫而為賦葶收乘運祝融載藏凄
蟲戒寒驚條隕芳澄溪泝游一葦斯航肇自震
澤放于錢塘躡孤山之秋煙吊霞嶺之頽陽儼

玉輅兮未旋胡珠襦之已荒絕閭井而南跂遵
江臯以延佇森巨壑之委輸限勾吳之遯園苑
宛委之榮木萋秦望之離黍危堞壁立而將頽
層構暈飛而欲舉蛾眉冶容公子王孫綺縠含
輝珠璣揚芬駭鱗群浮落鷲交屯紛金谷之春
粧燦晞露於朝暾嗟泛梗之奚憑悵芳辰之難
踵條竒觀之褫目蠹銀山而乍聳奮馮夷之遺
烈賈胥革之餘勇排巨石而靡却激長風而若
怒凌析木以造駛薄無臯而橫鷲何媧灰之可

足迫閔劍之莫禦訝鉅鹿之既合與牧野之方
聚洩澗澎湃呀呷訇鏗羗禹鑿之未奠繫井絡
之倣騰豈薦青於帝臺乃懷山而襄陵蹇決瓠
之為憂曷濡尾之足懲忽安流以潛潤若威霽
而氣平時則凝紫拂嶠浮青曳麓文茵朱蒂錦
韉畫轂墮鈿裂羽遺璫碎玉闐其無人復我邦
族烟舒練兮空明澹平津兮暮綠信江海之有
恒顧蜉蝣之幾何欣雪鴻之斯須悲磨螿之蹉
跎彼汶汶其安知孰芒背於逝波將乘桴以嘉

逖陟瀛丘而容與悟川上之微詞窮湍瀾於牛渚于以謝塵海之驚濤相羊乎大塊之逆旅

梅窓賦

胥臺江東隩壤松陵澤國其地允勝貞賢嫵士交棲蹟焉費子居松江之溼寡營謝俗冥息靜修之廬植梅虛窓庸以自麗余甚侈之作梅窓賦若有人兮含靈襲華韜玉弗售肥遯何遐俯烟波而晦迹引鱸鄉以為家武陶公於物表招天隨於水涯乃遵衡宇爽塏是卜羣飛足跂渠

渠夏屋啓文窓與綺綦敞閑居之幽築華榱煥而斑星踈櫺晃兮迎旭映縹囊之參差披芳芸之馥郁爾乃闢瑤砌除閑庭居梅兄挹虛清盤根互結繁條敷榮匪角勝于靈苑寔媿媿于層城儷寒圭之改序慘集霰于高冥寧庶草蒼其先素群木委兮交零蒼苞發而垂陽凝電散而靡歊陵韻香風以逢度蒙薄霧于晨興渺羌笛兮何心尔舉幃兮有情豈四照之能容匪五衢之敢登白鴈高兮寒正列玉蟲蛻兮蘭影滅美

人望兮湘水濶驛路長兮不可越恍故人慰離
絕倏橫窓兮度明月噫嘻乎徵諸徃哲情有攸
鍾濂溪遠韻子猷清風河陽春顏彭澤秋容託
孤興于一朝遺勝事於無窮矧伊人之高調儼
嵩嶽而增崇彼寒香兮獨妍誠臭味兮允同冀
培養兮克慎期鼎實兮成終

澹仙賦

嘉靖乙未余游廣陵邂逅張子繼泉適所懽焉
曰許子澹仙者俾余賦之維茲辰之于邁絕長

江而北徂沂邗溝之委蛇歷開皇之舊都悵玉
樹之餘哀渺百雉之平蕪月殊代以共照柳先
秋而易疎弔麗華之困泉追玉奴之故趨離宮
萋其草綠荒臺慘而雲孤撫今懷古氣喪神沮
乍寤復寐忽有所遇睹一麗人于江之渚鬢髮
蟬委縞袂鵠舉膚凝冰而匪澤服栖煙而被素
畏紈繡之蒙塵恐鉛華之受汚雪回顏而褫冕
梅耻容而辟路儼禮防之紆徐乍回旋以延駐
余乃憫焉以怡憮焉若失目屢瞬而歷亂足將

行而辟易異婀娜之可求慨飛揚而難即豈凡
聖之殊方效靈蹤于往昔步江皋以留珮渡沅
湘而遺瑟胡粉黛之莫京歛穠華于閨寂恍詔
余以不言心獨領而自得謂大朴之爾雅曾奚
事于雕飾故厚味之腊毒與媵容之敗德彼土
階之至理豈瓊宮之可益乃陶匏之淳化亦青
黃而為賦極玄酒以真味敦白黃于無色蓋將
擴達觀于大始豈復能固聰明于凡臆於是靈
旗歛舉孤蓬獨留殘月破曉悽蛩弔秋躡謝公

東山之寂闖張家燕子之樓宛有覲于清揚晤
伊人之好脩信飛瓊之邀裔軼迅駕于浮丘噫
乎異哉真邪夢邪子所謂澹仙者與使子墨客
鄉志之亦以壯茲游也

雲山賦

繫天都之名巖奠縣歛之靈隩儼巋巖以雄峙
槩嶽峯于六六州閭宛其綿亘陂池互兮縈複
荆吳後控閩粵前苞東連輸壑西拒江濤比黃
山以礪崦排青漢而孤高隴瓊隈而四屬坂紆

折而周遭羅莫莫以蒙穀木矯矯而昇猱高岫
帶乎巖側洞房隱于林標穴潛滴瀝而下通盤
溪蜿蜒以上交有美伊人于焉遯跡跂商崑之
芝茹弔首陽之薇食卽宵鬼而振衣攬朝霞而
躡屐忻薜荔之我懷愧纓珺之見蝕謝朝市之
糾紛托沉冥而晏息陋稚圭之捷徑附安仁之
閒逸沂紫陽于洵淝軌若肖之貽則爾迺狼相
觀陟嶙峋冪卷踞于溟雲觸石橫天露露霓霓
其來若馳其赴若屯其滿庶庶其油紘紘倚嵒

厓而灌滌綠從熾而氤氳懸厓喬以改色獸嶂
挺而亡群軼豐蔀於耀靈驕屏翳於洪鈞儼驚
颺之震宥失暖暍於輪囷信幻變之靡常匪永
固而恒存時則列缺載張豐隆焱伏紫翠呈態
丹青煥目諸崦獻秀危峯競轟凜貞士之不回
表自特而矜束迺同光以獨立弗終泯於頽俗
介于石而斯堅志樂山而彌薦詎琢磨之能磷
何牛羊之可牧高標迴兮卓爾其瞻皎兮無僂
疇褫心于瀾倒將殉時于隍復羞寓目而感心

亶人適之在茲矧崇朝之有無與歷載而弗移
蓋微旨之攸存非玄覽而曷知雲蒙蒙而時出
山盤盤而永斯豈玩物以喪志範吾驅而不迷
願栖靈以養晦樂天命而奚疑

朝昇樓賦

歎之墟大者稱潛川山水始秀汪氏之居麗焉
其彥廷和太學既自作室又建樓于旁時攬旭
照故名之朝昇廷和恒語斯樓之觀恍若置余
其中也因為之賦若有人兮珪組之苗穆如清

風夏焉孤標翔神虛明脫屣氛囂武坐構兮是
營因丘陵以為高引天都之蜿蜒屏萬貫之崔
崑紫陽巉巖而遐峙黃羅突兀而前苞則有葑
房芝館層軒覆軫喬柯干霄珍卉充連洵樓遲
之可托惟筦簟之攸寧尚戴符之尋幽陋雅圭
之餌名絕闔井以滋鮑顧祭戟夫奚榮猶詎呶
之若累於爽塏而增悵思蟬蛻乎朽壤將鴻矯
于青冥仰摘星而易蹇俯齊雲而可憑於是傑
構作層樓施負肅景迎晨曦雕文杏而成梁絜

卒夷以為楯煥丹堊於檮榭披文藻於椽題蒙
綺䟽之參差繚曲榭之委地流雲宛其拂楹和
風恍兮度帷鳥橫空以乍滅天覆宇而將低寔
華景之足羨爰朝暉之是依彼耀靈之懸象曾
結璘與鬱儀攬羲轡而靡息協娥輪而迭飛乃
方中而向昝忽冉冉其西馳噫大蒙之下薄豈
皓景之堪隳乃舒望於朝昇乘陽烏於始微出
暘谷之安藏儼瞰瞰而若規浴咸池之重淵登
扶桑之上枝肆臨土而有赫遂貞明而陸離信

層宇之崇高承品光而靡遺交綺窓而耀鑿流
阿閣而金輝破縈林之薄靄洗連嶠之輕霏炳
圖史以璣粲盎几席之春熙時南榮之微薰婁
北牖之嚴吹闔慘舒之互更曾斯樓之擅竒匪
直槩夫游觀亦樹德之所資蓋夫朝者日之始
升者高之漸繁君子之自治庸考義而昭憲復
吾善於有初克人私之昏墊務下學以為基期
上達之繇踐乃高明之旣極斯峻德之罔玷時
則德音孔昭賢聞自浮輿輶乃壯金柅勿憂登

三事而有裕登百工而咸修崇功迥乎莫京膏
澤霈其旁流爰錫類于後昆亦繁業于詒謀惟
順助之攸逢信百祿之可適故觀象而垂則諒
有獲於斯樓慨吾形之羈栖彼軒冕之我仇思
翔風於紫虛跨五文之赤虬或息駕於巖阿遂
搥轡於邀陬招飛仙於予所凌旭影於環洲信
足以侈平生之大觀又奚必寄逸想於椒丘也

思菴賦

潛溪汪惟慎氏生而勝衣即櫻岵岵之悲抱乳

懷之感既于行旅滋有所愴迺即爰居志以思
菴要予賦之逝物之感人心所均矧夫斯人可
以永嘆矣賦曰瞻九野之混茫兮謂浮陽而蓋
高翰玄化之龐洪兮潛橐籥於泱泱紛品物之
資始兮亶培覆而莫逃嗟伊人之不造兮若有
愆於恒度方嚶嚶其扶牀兮仰覆翼而復顧胡
不憇而降割兮遽橫閔於中路慨蒙椿之易拜
兮痛背樹之先素維二仲之髻非兮冀此離之
攸佑吁棲塵之不居兮儵就晞於宵露嗟吾生

之煢歎兮羗有懷而弗諉矧行邁之靡靡兮徒
 結思於輪轅南浮桂於沅湘兮北挂席乎洛川
 弔胥臺之游鹿兮華冉冉其來顛歟居諸之逾
 邁兮夫曷故而弗遷耿予心之不寐兮迺負恨
 而終天悵扮柱之罔即兮鬼玄館之徒在結宿
 莽之夕陰兮揚拱木之虛籟感霜露之婁交兮
 警花實之恒代悲飄梗之無憑兮惜大暮之不
 再春英韡其向晨兮秋蟲耿乎吊寒卧靈雨於
 虛堂兮聞鳴鷄於夜闌神峭况而不寧兮心歷

亂而靡安肆鈞宰之有命兮諒冥思而何益懲
 遠游之孔艱兮事蘭藏於一室豈塗墜之足美
 矣倚軒楹而茹戚彼營營而弗弛兮曾何禡於
 晏息將高岬之為谷兮信茲憂之罔極

箴

事茗齋箴

序曰明弗兩視聰弗兩聽示事有專也事必有
 道形有所授志有所一道有所寓專曷病哉匪
 道而事猶弗事也匪事而專猶弗專也是故若

秋于奕若行于談若嵇阮於飲孰匪于事孰于
道邪夫勞其形弗一其志罔禪于厥躬專也奚
為陳子朝爵粹然清脩不遜于俗不溺不隨乃
尚志師襄居琴于齋丹牖墜塗亦完且美彛鼎
圖史參互左右名流屢舄往反不絕陳子居恒
無所事事反戶虛罍品泉調火淪茗而甘之若
舟深淵稽于甫田他若罔聞知也故曰事茗齋
云夫茗之於人宜弗克知亦宜弗暇事事陳子
胡寧稽諸載藉茗舜之功除煩去妬子也事之

弗于其庸于其象焉道曷有窮乎是故齋道之
寓也茗道之噐也事道之庸也卓彼陳子宜其
專哉感其志而為之箴曰猗與大丘有齋惟崇
翼翼飛翬言言厥中中之言言展也于處亦玄
亦史堯咨舜語我齋有琴我琴弗絃時乎天風
御也泠然溫其有儀聿來不夙有澤斯麗以莫
不穀遄彼居諸乃迅於駟曷以永之亦殫厥事
其事維何我茗我泉我其湘之釜蓄是專孰事
之專于茗斯取匪溺而荒如彼濛羽惟茗司滌

職焉孔臧弗垢弗煩于彼腹腸子有靈臺厥或
塵止眷言滌之邀不新止玉淵澄澄靜而弗波
大體是養其功孰多養口惟茗養心以道履道
而事則茗之效寓道以茗惟勤斯齋賓人司言
敢告勗哉

贈汪子六箴

汪子園山鄉舍武林與予游甚習察其志魁然
而竒氣橫鶩若神駿泛駕不近羈馵有所表見
斐而成章毳衣韋帶若不堪居也顧恒以三益

要余言約之中行子亦良自刻削務幾于道夫
予三年復舍吳予將徵其進益告子于吳之即
時將北轅行且予尼迺惕以思曰邈哉汪子之
好或遂與極於蕩乎行或寘與拂於趨乎奉或
侈與淫於縉乎志或揚與詖於滿乎明或晰與
苛於察乎恒或弛與漸於儉乎爰申以六事之
箴書而畀之俾汪子自鏡焉其一曰忍性民生
有欲厥性攸存莫或制之乃梏其心堅以自忍
毅以自克損之於無可與入德其二曰敦本立

典義集卷七
三
人之道曰仁與義操之有本先於孝弟廣居我
宅正路我由既澄其源乃洪其流其三曰尚質
陶匏土斲淳風孰加彼昏不知反之以華昔賢
緼袍不耻狐貉今聞廣譽文繡奚若其四曰撝
謙召損維滿受益以謙卑不可踰曰惟女賢內
無侈心外罔德色自視歔然展也作則其五曰
夷明人惟至聰貴于弗章淵魚之察式是不祥
詐不可逆微不可燭抑亦先覺古訓是服其六
曰慎終人亦有言靡不有初或承之羞恒德以

渝貫以至誠不息而久何斯違斯君子之守

羅生佑徵字箴

金昌羅君名其胤子國賢請制字曰佑徵曰惟
女賢若簡於先王佑啓迺心爰徵于痛謝曰國
賢幼服事方冊鉛槧弛已則曷敢佩茲訓吁乎
哉古之賢也異乎是履道服義沈晦側微行成
而弗疾名韜而弗章明揚聿興股肱攸寄時乎
憂違而道存焉進無赫赫之功退蒙昭昭之聲
華名風流與代終始是之謂大賢彼若頰仰膏

火撫拾華雋佔佔末藝以要榮名大爵苟弗自
樹乃落落猶夫人也斯焉取斯子弗是校而慎
厥身爰薦于成雖弗能力乎今之榮名將不曰
佑徵古之賢人也子盍進乎哉箴曰淳風聿先
于彼洪荒有美哲人為龍為光仁敦義發智崇
禮防考槃幽遐其道彌臧是惟國賢昭代之祥
王明受福茹拔斯揚厥佑有典縣于大商狂瀾
莫回頽流漸長口耳惟梔本之則亡自衒自媚
好爵以攘履道有畦令問孔彰子惟弗二于翺

于翔鴻冥益高蘭谷逾芳孰云丘園不加巖廊
允詔明德反子鴻龐

贊

直齋汪處士像贊

夫鴻名偉烈天下不乏嫗竒之士而直躬自遂
昔以為難何哉無特立之見則詭隨者高無自
異之能則立聞者聖故史鮒之道信于春秋上
下千餘年端委之流嗣響無幾矧於衡門之士
乎詩云剛亦不茹柔亦不吐夫若人者挺焉不

田珉玉無異浩然之養天地我塞雖蓬居衣褐
九列之貴莫能踰矣彼獨以纓冕自銜奚其讓
諸新安汪君天和嘗以直名齋恒聞其人既交
其胤子應化嗣睹其遺像玉秀而溫靡著圭角
夷考其世曰唐越公之孫族衍西山君維白眉
丕闡其徽猷宿望著矣又視其履曰其賦性也
朴其蒞事也敏其奉親也孝其萃宗也睦其刑
家也勤其施德也惠六善具矣則又徵其稟曰
直諒不阿無詭言曲行雖於尊官上使未嘗容

悅足恭僉壬回邪值之却走里巷嚚訟於君質
平其於貨殖亦靡幸逢以僥獲也知者咸謂古
之遺直云噫嗟乎世有高官大爵不能著直節
於時者夫亦何限而况於衡門之士哉昔越公
扶義樹勲王室以至秉圭南面神明其德於今
為烈使君業進士居功名立朝制行有不能繩
厥祖武哉而天固靳之將必有伸於其後者矣
傳曰公侯之後當復其始吾於直齋君也盖有
所試焉故述而贊之淠淠偃草孰也其挺靡靡

史記卷之九十一
十五
坂尤孰也其梗彼其之子叔世之賢類流自若
砥柱屹然中立不倚從厥攸好展也如矢曷敢
余撓劔腹自利盜言孔甘外而坦坦其中淵淵
我其疾之如虺如蝮時乃緇矣式是弗涅斯人
已往流風則存以倡祖德裕乃後昆

戴先生畫像贊

戴濯纓先生名重江左余髦壯及聞戴先生猶
籍甚也既登膠庠獲友先生之胤子憑又畢誦
先生之言閎深辯博益困然粹已迺今獲瞻遺

像踈朗瑰異風神祇若假之方寸玉階明目張
膽論思弘化則功被當時澤流無窮不有餘地
哉偃蹇困踣竟死一校官嗟乎先生自少及壯
以其所負穎見儔彙中八試並落匪志不銳有
庸而弗究則天爾矣天寔畀之又從而阨之是
故有志之士不能不扼腕於先生之往也贊曰
孰予其貌孰予其形千丈孤松萬壑凝冰目掣
飛電胸懸列星崧嶽之神箕昴之精峽流弘思
架書便腹干將在治文璣閉櫝貞珉違磷倭草

懷觸我維攪疇咨碌碌靜斯有養動罔不宜廣
厦奚艱隆棟攸資胡為王佐胡為帝師彼數或
然公當其竒勤弗曠官位豈在下言弗畔道傳
豈在寡已乎先生時也命也清風穆如佐啓來
者

扶宗師畫像贊

扶宗師者操行孤峻機用險絕居吳之鄧蔚蘭
若有闔門面壁之志憲乃烈祖某公獨倡宗教
東南四衆思皈依焉暇日示余畫像為述贊上

方不二法寶歷劫住世孰是攝受是曰臨濟坐
大道場證無上義靈光巋然有燁真諦曹州衣
版維師任之以智慧力作大護持拔釘去楔種
種妙機法幢嵯峨人天利資面日本來即相非
相我豈正眼而得名狀狀者非真相者非妄滄
海珠圓青天月亮

香山九老圖贊

有唐會昌中朝紳勇退挂冠歸田相與結社東
都浮休玩世時人高其風致目為盛節故曰香

山九老天下至今傳之播諸彤管流之丹素至
於今炳炳也直乎尚已夫有間世絕倫之才經
時藻治之學而顧頡頏豫陸沉草野固豈盛
世之所宜然然諸君子者皆幼學壯行乃心戮
力殫厥所長以成一代之治夫然後奉身而退
口不言功擊壤太平優游卒歲固亦聖帝明王
之遺烈哉唐自神堯以還賢臣英辟貞觀開元
之治醞釀日久聲教漸被迄于九圍其來抑有
自己諸君之克遂其樂以成名也固宜三復斯

圖述而為贊其文曰有赫晉陽鴻圖是延奕葉
承休於昭百年迨彼會昌臻于至治維君維相
引翼不替禮備樂成神人協和醴泉靈芝降祉
孔多卓彼九臣穆穆在位贊厥皇猷天休是對
各慎爾儀偉績無前功成乞身皓首童顏山顛
水涯紆金曳紫賡歌盛時以畢餘齒丹青著貌
汗簡流芳太平之風宇宙同長

項龍淵畫像贊

項氏為吳興甲姓大司馬襄毅公昔戡亂西南

榮被朝典澤延于世文武並登蟬聯奕葉洵乎
偉哉龍淵君秉安席乃祖乃父之休亢志繼述
力學博文思弘其烈而坎壈不偶於是絕意進
取退而藏脩于家敦德彛秩扶義宗黨流惠無
告故遐邇有賢稱焉晚年益游心玄虛空寂之
教托以遺世死生之際亦復卓然庶乎知道之
士也今亡已夫襜褕者衣翼翼者思崇德象賢
古訓是師學綴而刻行蹶弗利單被邦族曷非
康濟清脩之特章逢之賢若為駐貌望之顯然

眷言世美宛有餘烈丹青可漫風聲不滅

周可山行義贊

周君可山為語溪著姓其李某某雄飛鴻達隆
顯清代門闕赫然君尚志家食撫謙樂義慷慨
然諾為時所珍其養子寧謹愿而忠克勤厥家
遘疾死其妻少無子將嫁之對曰不幸夫殞無
後幸有少囊資薄田四十畝足以具饘粥畢吾
志無見強為也君心竒其節誼不可留會族有
婺嫂將二孤子奉若翁且耄矣家縣磬纍纍弗

能支君召寧妻語曰吾為若所則示以意即躍
然首肯往與嫂俱其所携悉付之絲粟置不問
自是二嫠訖相協同心共業謂有永圖云君子
曰周君行義有三善焉嫠者不違志孝者不匱
力老者不失養仁乎博哉其施也夫子竊祿庠
校濫竽風紀不可碑君之義不聞於後也述而
為贊孰不有義利則戕之惟是二端乃背而馳
彼昏不知錙銖是苟吁嗟泯焚於道何有於惟
周君則卓其行惟行有聞顯然厥聲彼姝子者

如石斯介爰有土田我生是賴惟君弗奪其志
迺成豈惟成之亦君之名矧于爾宗曰有同調
依依耆老貧不忘孝揆厥攸宜爰俾比之弗睽
其心交獲其資既不弛親亦罔踰節媚焉二嫠
秋霜爭烈展也獲所無私合天詎曰行義成仁
在焉于以考祥于厥所履惟周之延于君是啓

武安王像贊

漢壽亭侯曰武安王鼎分攸賴萬夫莫當維神
在天若水行地英英義勇凜有生氣

又

堂堂武安勇如虓虎恩不貸義忠不遺主雄視
三分莫敢余侮丹青竹帛光照千古

銘

天池浴日研銘

雲濤外沃元精中含瞳矐晨旭漱灑靈滯日華
五采鯨波千尺出為黼藻光連奎壁

四貞堂銘

光祿丞昆陵胡君世貞築堂于鳳橋之第層櫺

懸棟文檠華屏規制弘煥達有老栢蔭藹摩霄
古梅脩篁參列階祀咸克葆和含貞凌歷歲年
爰標群植若君之字彙而名堂曰四貞夫貞也
者正而固也化育流行真實無妄萃而成物得
其正故於植為嘉於人為賢維其顯矣是故地
道亨而植物蕃人道亨而賢人出皆盛之臻也
矧夫人與物之並昌哉胡氏夙以忠孝旌褒而
忠安公雄才碩德歷事累朝寵盛莫比貞蓋之
風流播邇邇光祿君惟其元孫寔克紹之顯昂

金玉罔滔紈毅始為校書暨晉中翰出入瑣闥
幾二十載敬慎不失以積今官宰相遂菴楊公
鵝湖費公石齋楊公藻別甚精君皆雅見器任
時稱知人匪賢而貞能若是乎方且銳志構獲
振振武俾世澤若新名緒逾顯何其偉與夫垂
休裕後者善其詒也承烈繼志者章其孝也因
物媿美者著其端也蓄德惠吉者昭其天也斯
堂成而衆美具矣由是推之則忠安公之愛流
其有涯哉迺作銘曰峨峨鳳橋君子所荒約之

琢之有業新堂飛甍鏤楹蘭宮葯房風雨攸除
莞簟惟康迴砌成文喬柯列行新甫分陰洪亭
襲香阮隄之枝如麾如幢抽榮吐芬凌飈拒霜
醫堂之人比德同芳承家組纓擅美金張墁墉
祭枿丹靛青緹雍雍象賢佑啓之光奄有嘉植
是矐是方隆棟弗撓和羹允臧穆如清風金玉
其相弓冶延輝山川發祥後昆繩繩蔭福襁襁
厥維徵哉受天之慶叶

樹德堂銘

歙潛川汪氏稱諸里曰世德始龍驤肇跡炎漢
迄唐越國以保障功怙冒六郡纓弁數葉自時
丕術厥後由宋及今卓有耿光克以元善領問
繩嗣一德故汪益大且顯今太學生延和虞墜
令緒圖惟聿新凡所夷圯咸有更復又相協厥
君為堂三楹文棖雕題臻于壯麗則顏之曰樹
德以昭訓也吁生之志其弘哉古今天下長世
先物非德不能然惟人存之惟人枯之苟失其
理德斯匱焉匱則不永如百千禩何哉故壁經

之訓立德在樹樹德在滋其道備矣吾嘗聞之
樹藝家言其土欲厚其培欲深其築欲密其溉
欲時其天者完其性不賊故木壽而榮木之道
也吾將厚以孝弟深以仁義密以誠敬時以詩
書是故積厚而施博本實不拔枝葉自茂益繁
以昌而克薦其慶已生之大父暨其先君咸積
善累仁裕有詒穀厥胤彬彬頴雋克類激印青
雲自今以始汪氏之德既樹既滋則固有之奚
其不永哉故為之序之銘云湜湜潛川維山經

之翼翼新堂維德乘之堂之言言君子于處德
之綿綿君子所樹厥樹伊何匪隰匪原廓焉靈
扁生生則全積小以大繇漸而長不伎不枯是
曰善養孰培其根孰達其枝有作於先後斯述
之乃留乃獲乃堂乃構繫德之積以莫不厚厚
故不匱亦裕爾昆疇也其祥垣墉車門慶乃大
來寔繁且庶振振來者益慎厥樹

順則堂銘

有序

歛西西山堂郊保之墟山拔地萃秀蜿蜒互複

喬樾森蒼其陽為原吟廣衍彌望人襲留播迂
遠衢井風氣淳樸罕華縟紛囂之者蓋於邑為
隩境也汪氏聚族於斯爰自汴宋來由潛川類
克勤力農植惇尚藝教子孫仍厥世德日以蕃
大於地為闡家汪君又稱亢宗二子皆警敏善
述播穫堂構視昔有衍至是別為新堂先廬之
偏以奉賓祭棟宇墜塗無刻鏤文藻之華而規
制純雅爽塏弘舒宜厥燕適時有顏順則者伯
仲氏咸遜謝若不敢居乃告曰惟大君立極惟

我烝民是保是乂凡厥由行罔弗率俾曰無有
作好惡以遵王道故風動丕變俯仰涵育不知
帝力熙然淳古之化不可及矣後世法比之防
刑辟之驅日若不足民猶僅僅得免青愆豈其
治之不古若哉民偽益滋而風寔敝之耳然挽
今困甚之道未嘗無治亦未嘗無其人汪氏居
歛土千有餘禩皆以孝弟力田善善相繼庸昌
其家而西山之緒之俗尤為敦厚近古非有得
於順則之道者與使其子孫世守不廢耕田鑿

井力行孝弟或隱或仕或出或處寧不鼓舞盛
世之化而降無涯之慶哉審斯堂之顧諟不能
無裨也已乃序述其由而系之詩云遵彼西山
有苑丘隅喬柯葱蒨邃壑縈紆川澤攸瀦原田
既膺亦垣亦堵維汪胥宇我稼我新我育我蕃
螽斯繩繩樂土是安載供我賦載庸我力遵王
之度罔敢弗率熙熙春堂曰罔厥中乃曷以名
疇職其功維堂聲聲言啓爾後惇德信道于順
斯祐奕世用昌高門駟車我奚以徵薦慶之餘

琵琶塘胡氏新隄銘

新都治東南萬山中其鎮黃山屹峙郡之西北
原泉百道竦流南下折而東再折而北下瀆錢
唐入于海境益多大山若雲郎烏聊問政飛布
之類盤桓闢錯層峰疊巘懸厓絕壁奔中亥徑
土人足跡有未跼者礧壑之水分埒引源歎寶
洩瀨迤邐縈紆綿絡不絕或潴為泮池可施縑
罟資灌浸居民利焉最西郊保之墟有地曰琵琶
塘巖嶂四徧衍為原畛可廬可田胡聚族于斯

絲塘迄今子姓蕃盛比城千室載德相禪凡幾
數十世矣其人有負才譖趨功名顯見當世多
相後先或考槃貞遯求志自潔恒亦不乏至懷
資轉轂寓跡丹頰往往有埒封者故今昔稱琵琶
塘胡氏為宇內聞家云其井聚群山之麓諸泉
赴大溪纍纍洑至旁經而南走達于溪胡氏之
先坎其前為塘上作橫隄迂流左出所以重地
勢資利用也又凡幾數十世矣今之彥南溪君
徙地師言復前坎之益為隄迂水右經出其西

則詢謀宗人之好義者罔弗僉同畚揭篳輦罔
弗畢備度材鳩工不日告集堤長千尺許高十
五尺有只厚四倍之自經始迨竣凡幾歲月旣
告成命之曰新隄屬為文紀載用詔永久烏虜
水之為物以焚化工而濟民用也流濕就下有
恒性焉順之則利逆之則害古昔聖哲未有不
究心于茲者跡鑿肇於禹功決障沿於奕代其
所由來遠矣是故宣房瓠子之歌芍陂白渠之
詠貞臣經世翼生人垂永利徽猷懋績樹之穹

壤綿之簡策益斑斑焉胡氏之賢因浪流迅直
漫無滄溘隄俾其瀦盈俾其出斗折滄淪不逆
其性前乎創之後乎繼之使稼穡可資而形勝
益壯深謀長慮為琵琶塘永利者不亦至博也哉
余又徵之易其象重水於坎言習於兌言麗習
以常德教事麗以講習滋益黻興而學成道明
而德立彞倫叙而萬善從丕變其鄉閭而風動
邦域胡氏之宗其將繹二隄之義而興起已夫
銘曰黃山之墟維歙攸宅嶺岈嶠嶢萬嶂以國

粵有閩宗相協厥居辯姓分疆堂構鱗如逖矣
天水琵琶塘之聚苞孽干禩旣盈旣庶播穫允仍
緇素繇縣不承啓守唐維省元和彼泉本其流
汨汨旅奔而南若矢赴的疇其次者昔人所荒
鍾洩載時瀟灑異方金隄環立蜿蜒其上樛柯
苑林斯屏斯障佑啓后賢曠世作符鑿之築之
益閔厥初重困鏡激複埂虹護回波右經巨川
伊滄滄水坎習麗澤允交於赫聖謨易象孔昭
詎曰利用亦資輔德永詔千秋來者作則

虛吾生齋銘

余次東郡始邁虛吾生虛吾生蓋歛產而齊泚
睹其人藹然若弗勝衣言循循不出口時參語
儔伍咕囁齧唇畧亡所自見日亦寡營不睹其
委錯世務余謂為木強推魯未適于變者徐譽
之蓋中曠而不局內辯而能訥心朗而思察韞
博而忌盈業裕而務約志卓而喜下其習賈事
雜賈區未嘗與衆角徵逐及頡頏意象以純綺
珍錯相下上也余始心異之間造其廬去屢隧

稍邈最後一靜室列圖史故謀鉛槧滿案闕疑
待問識載鱗積或叅之筵竿藉記十一而已其
齋額虛吾固詰之生曰顯科世程姓自典午氏
新安守籍于官遯唐及今皆紹素業而忠壯公
獨以高官秩廟祀子孫多散居歙邑宋處士文
聖遷向杲上市蓋余宗也先祖南渠公性剛毅
不事圓曲有直聲先君志齋公少脩學善文後
博游諸名公間講求理學大為東廓公器重既
倦歸卜別業習隱廬江教余兄弟學制科業竣

于盜再困長賊家益落顯科齒未弱冠即棄去
簡策事廢粥北走海岱間時依婦翁吳左竹君
次舍居翁擅文學益教之猶日若望洋者然見
人之夸大自足誠心耻焉不樂與齒讓將執是
以終其身爾矣余愕曰虛吾生士也哉君子虛
受光厥聖訓好謙惡盈人理攸崇生之有得于
虛稔矣余嘗友左竹君及聞生父沒能順養其
母又獨畢祖母喪葬友于兄弟宜於所如信其
非末民耦也因請為警言銘其齋云天虛而施

地虛而生閑縱闔闔鈞化以成鑑虛以明困虛
以湜惟聖作則善受乃益怙滿斯賊弗滿惟賢
弗矜弗爭千里拒人訑訑容聲式是先覺亦識
有利允執其中範彼欬噐

書燈銘

水華夕朗腐草宵熒永譽寒窓倫功短檠彼光
且約我膏則羸反憊以惕乃基厥成勿謂蠶蠶
中有鼎俎勿謂鉛槧中有歌舞舒耀藝林延輝
道圃苟能充之一照千古

太宰古冲翁歛石研銘

鳳味潜磔龍困毓潤守玄靡淫安貞不磷憲義
方大效法含弘牟庸磐壘賁止文明

友山草堂銘并序

四明李鴻臚遇齋以才譎稱重輦轂公卿間名
籍籍徧宇內宇內薦紳先生亦多亟賢遇齋君
見即亡弗交口嘉歎者余雅迓慕之踰廿稔矣
茲歲君以使事適楚遘余樂水部所貞夷高朗
允愜素聞投轄枝巢談藝信宿若挹鉅河不見

其際益心儀焉間及其嚴君友山翁屬余詞友
山翁蓋英英吉士也少讀書受進士業弗大試
以資選仕 魯王府典儀既倦歸尚志習隱屏
絕囂驚孝弟和惠孚于鄉邦性嗜吟咏嘗挾少
陵詩誦之坐卧不輟每樂游耆雋中鄉之大老
若東沙張公竹墟屠公東明范公南禺豐公與
結社為高會觥籌賡倡人謂有香山洛下之遺
風云性尤喜古今人法書名畫列之齋閣暇則
手自繕閱籍以永日他無所事事也翁四壤子

自鴻臚君若諸季咸善賦有四明棠棣錄大播
士林翁之餘遺亶亦足徵哉翁嘗積石為小山
于堂之榮靜對獨翫曰是貞吾友頽其堂為友
山於是漫客寓而銘之疇作高山哲人荒之蒼
厓秀巘于堂乎而望維具瞻用斯為錯果行育
德斷金攸託曷去曷來靡辱靡榮式是弗愆賚
我良朋移文媒仕采芝釣國盱視千古宜有慚
色顯允君子厥德弗回保茲堅貞新甫徂徠

石泉誕述

黃墩歛邑名墟也黃氏故邑之聞姓多散處他
聚各以地名其族而黃墩居其一石录翁者其
宗彦也幼樸茂有至性長稍知學書記務本業
誠信自將訥言飭行孚于閭黨出入跬步不失
未嘗與里中兒游逐道蕩既服賈涉遠道緡策
訾錘取與盈縮務合中行無龍斷逐末之習人
咸以是多之居家必尚倫秩申以禮防不弛親
愛而上下嚆嚆孚威攝然又能嚴教厥胤子今
惟溪居列鴻臚署丞好學有文縉紳大夫雅器

重之事親能極溫養翁今屆希年有逸享矣自
奉約素畧不以盈滿侈溢然性樂高蹈其家山
多名勝每遇嘉石臨清湍輒盤桓不置樂而忘
女因稱石泉蓋其志也歲之月翁始慶育雙
溪君大合其宗姓若所雅故秩筵為祝考言於
余夫祝則曷外求哉視諸翁而已矣蓋天地之
道悠久無疆貫之一理不二不息不二其體不
息其用動靜闔闢互神其機生生不窮極於恒
久貞于道者祥斯契之是故石者言乎靜者也

泉者言乎動者也苟貞乎靜則渾淪磅礴可以
敦德崔嵬嶽峯可以制行鎮定不移可以立信
堅剛不磷可以砥操而本不足固已苟貞乎動
則不舍晝夜可以應物流行坎止可以趨時盈
科游至可以躡履善積務施可以廣度而用不
足裕已不二不息本乎天地恒之道也觀人者
求諸其志考祥者視諸其履翁固不貞于壽也
與哉詩云如岡如陵如川之方至岡陵石之彙
也川溪之通也夫惟是於翁可以徵壽作石溪

誕述

書悅言為汪廷和

嘗膽于薪縣髮于梁或以身顯或以國強一念
既決銳莫可當惕厲恐墮逸豫是坊苟推此心
曷行弗臧勉之戒之毋怠毋荒
性與天道人所罕聞要在服膺存之又存一暴
十寒學者恒病五穀不熟莠稗可勝勿違終食
勿廢半途庶幾于道弗畔矣夫

蛩蟪集卷之七

蛩蟪集卷八目錄

五言詩

送理曹為山公

贈汪君思川

三樂堂雙壽

東泉

分題得道場山送朱烏程射坡北上

中水為郡丞常公賦

送吳邑宋公赴覲

送徐古石秋曹赴闕

賦得女貞樹壽陸太夫人

仙山采藥送滕東餘北上

懷洛仙

種花吟送石明府之永州

贈朱納齋

秋日送汪西石之清源

送徐古石秋曹北上

贈宋海亭春元

寄方輝山戶部二首

送周在山刺儋州
湛泉

清泉奉送新建伯龍湯王公奉使長沙
冊封

和陳大理五岳見贈韻奉寄

送張推府

江南春和倪雲林韻

和龍池贈小燕
題東湖畫

送王鳳洲叅藩浙省

贈彭與白

懷溪為江君良紳作

送雷半窓

贈李新齊郡丞

錦泉

送傅亭堂工部刺靖州

雙節詩

送鄧北坡歸秦中寓感

送李秀江歸潞安 題山茶

海棠

丁公

西子

李夫人

明妃

班婕妤

上園

寄巖小石

贈呂姬伯喬

送吳草堂

送葉二峯將命如新安

寄歸震川別駕

送王龍池廉察自清泉赴梁苑

施龍岡戶部視倉竣事奉其乃翁乞假

歸

別沈左源

贈鄴下李仁軒春元

似樓為古冲太宰賦

石城江津奉送嚴司空慶賀

萬壽聖節之京

壽張景山

題蓮竹圖

瀟湘秋月

七言詩

壽張隱君塘灣代

海鶴蟠桃圖壽顧懷東

壽前山五十

竹白石左轄七袞

又為石子賦一首

李嵩山邑博被薦

清明日海上憶孫二七峯

張氏席上有所見志感

近溪

送蘇後坡自雲中軍幕歸淮陽

送李松溪衛幕

黎戶部瑤石使邊被召

毛三吾手鐫親像

雲竹

代送蕭儀庭

送王營崗從征

送吳草堂

送吳公子南還

壽江寧王懷易

次趙龍嵒右轄過訪贈韻

神鶴

中田

雙棲

圭峯

蘭

紫菊

杏花

張使君饋生魚詠謝

雲溪畫

過張使君郡齋得池字

東泉

上園

題畫

代送蹇文塘左部

東泉畫

舟中餞樂水部

蛤蜊集卷之八

吳門鄭若庸著
新安胡迪校梓

五言詩

送理曹為山公

東吳讓國裔民風隨俗移
器訟一以繁冉冉成
澆漓况復鬼域詭譎張
混雄雌徒聞芝蘭雜乃
或梟獍遺挽古良獨難坐
見吏牘滋多君抱弘
畧射策青雲期言懷理曹
檄佐郡當斯時懸裏

若衡鑑西造不可欺孚威抑豪黠推心恤眚
寧逢上官怒罔俾三尺墮發摘窮至隱纖芥無
留疑矜慎安所愆平恕恒自持閭井決鄙豐狂
狴成春熙賢聲溢旁郡刑措將勿施逡巡迨三
禩上績當明離微風襲干旄挽卧從郊圻春帆
掛芳樹雲闕遙參差尚方急明揚啓沃君所宜
簪華趨紫宸羔羊信委蛇行覃九圍澤未許吳
民松

贈汪君思川

清川何縈迂宛在山之陽白石紛齒齒嶺岈積
崇岡雲霞互虧蔽林樾苑青蒼昔人抱嘉遯于
茲託徜徉冥鴻耻虞羅腐鼠卑岩廊逸軌不可
攀疇哉漱其芳之子信克類眷言懷肯堂澄湍
諒非邈顧誕儼在傍玉淵澹無波惕若浮湯湯
慶流濬逾駛德澤滋彌長豈獨弓冶賢况乃金
玉相梗楠具榱棟追琢成文章翩翩雲遶翻振
迅終高翔為看巨濟功舟楫媿殷商有懷一以
酬孝則斯焉彰倬彼潁水原激湔安可量千齡

藉勿壅因之綿耿光

三樂堂雙壽

亞聖垂徃訓隨寓有至樂居然備三善此意久
淪落睠茲人中豪千載如可作慎修旣以永獨
知亦云卓誠明自宣朗俯仰奚愧忤立愛昭天
親傳心裕來學吾道一舒卷元氣互磅礴况乃
弓冶志錫類良有託乘時賴匡濟橫天任寥廓
頽齡足愉悅殊寵益優渥偕老德彌邵承顏孝
逾恪諒哉孚感機斯理詎冥漠淳風信可挽因

君勵偷薄

東泉

西山苑岩堯東有寒泉井澄泓厚地脉宵耿高
天影鮮風颺動輕幕涼月窺脩綆循陔開楨宇環
流列畦町桑柘儼生聚煙霞異人境之子奕世
英粹質良獨秉尋原沂千載邀矚流芳永因茲
力䟽淪冷然自中省願言晨霏光相將耀華景

分題得道場山送朱烏程射陂北上

道場擅佳絕結勝山水邦鮮雲拂岩堯紺宇連

青蒼危巖伏彪虎清池搖席光亭虛笑月處舊
跡宛未荒竭來仙鳧令乘春問農桑停車翳芳
林振衣躡層岡吟成山鬼哀目送雲鴻翔吏隱
志益崇官清治逾康卑棲詎容戀夙駕公車傍
峰巒共崔嵬餘烈竟土疆玉闕天中開無能念
甘棠年年西溪花苕雪留春陽

中水為郡丞常公賦

雙流界名甸䟽鑿遺禹功湯湯滹沱原淼淼高
河流山川互回薄元氣相昭融駿發生賢豪豈

獨嵩嶽崇扮榆交水湄萬古莘渭同芳株秀丹
綠飛榭結玲瓏乘時躡雲陛接翼比鷓鴻竭來
驅熊輻宛在澄江東不偏執民度潤物踰天工
卧治渥千里海徼回淳風專城詎容尼鼎衡
自公浩蕩商川才作又如夔龍中水多煙霞方
舟渺難通

送吳邑宋公赴覲

郊原木葉變野望多酣紅風煙澹吳渚蒼然滿
江東樓舫金昌湄冠纓列追從興言餞遠游高

歌激余衷使君金玉賢豈直文字工雄吞隘雲
夢獨嘯凌長虹束髮遂脫穎投射明光宮翩翩
玉笋英蘭惠芳林中竭來彈琴邑腰綬馳鳴駟
期年子惠敷萬井成春融展旆趨天家睠茲朝
會同編書載循良屢顧迴重瞳上賞行有期羣
轅若為恫璇衡遲良弼九域後玄功所念祥鸞
儀安能止蒿蓬綠醕淹餘暉今人感離悰悠悠
千里心願附高飛鴻

送徐古石秋曹赴闕

征蓋瞻京觀郊原祖席開秋深白露滑野色蒼
然來之子鷓鴣姿雲中昔橫翼曳鳧臨大縣天
子賜顏色平反佐棘木矯矯雲司良園扉寂嘗
掩幾見綠草芳五湖夢青山磯邊多釣侶忽詫
文園歸春帆載天語三年費藥累花徑莓苔生
負暄曷以獻丘樊空復情況也畏簡書王程詎
容舛膏車屈茲晨軋軋雙輪轉九重拱聖哲宵
旰繁殷憂何當有遺賢虛此側席求緬余翳林
莽滄洲臥白髮江南方疾苦無裨袞衣闕所賴

匡時才一一懷遠圖亟為商家霖萬里慰焦枯
酒盡山氣紫長揖謝君去延望渺余思斜陽下
高樹

賦得女貞樹壽陸太夫人

茗茗凌冬樹託根泰山岑不隨桃李妍寧憂霜
雪侵柔條驚屢素樾蔭常紛結華林一含滋徂
徠讓高節緬懷重陰秉寒寒抱孤貞誰云暈衣
操不能埒冠纓聖善多令圖指象儼可覲平生
斷機縷已著經綸績危齒安敦願至行方大坤

質茲嘉木表衆芳奚足論長風吹綠枝冉冉微
緜上神芝粲九英歲蕤宛相向上以崇明德下
以况脩齡考梓憲慈軌因之存典刑

仙山采藥送滕東餘北上

大藥竟誰覓駐顏良獨難胡然極幽渺海上多
仙山長鑱斲雲根薜衣泫朝露行行向空翠冉
冉即煙霧靈苗燦芬敷歲蕤五色光入口知有
神奚假炎豐嘗懷之不敢私行將獻宸扆囊綺
充沆瀣清湍一抗葦君家忠貞緒伏節垂今名

况也九列臣綿代振華纓苟擅刀圭良已勝軒
冕嗣還看伯休子流聲滿都市引裾欲何辭努
力慎所如天王軫群黎土宇疲瘡湏我方老漁
樵青山五湖渚相期煉玄液遲爾同遐舉

懷洛仙

伊人信絕代玉儀間靚粧名花泫晨露織霞麗
春陽迴翔驚鴻翰飄飄欲邀舉停車一交驪彷彿
陽林渚洛川如解后越水同棲遲不學為雲
夢寧懸結佩思綢繆永清驩言懷燕游處春風

綺悖薄禮花隱朱戶差池空歲序迢迢阻芳期
鳥飛青山盡蟬吟高樹悲長江日夜流悠悠正
東下余憂安所止願向滄溟瀉何時定携手紅
燭語更闌戢翼不相離睽違勿復嘆

種花吟送石明府之永州

使君南州來種花洹水湄和風一披拂郊原發
華滋灼灼桃李繁英英冒芳枝豈獨媚紅紫桑
柘綠滿畦黃雲被秋野穎粟復離離睠彼陽春
工品物靡所私長風自閭闔雙輪去何之迢遙

絕江漢萬里炎方馳依然百卉榮儼在衡湘垂
洹水日夕流思君桃李時

贈朱訥齋

歲暮催短景雪霰彌郊圻客子念鄉邑瑾戶方
莞思霜朝聞馬鳴剝琢驚茅茨攬衣啓雙扉長
揖春風姿玉樹傾霏談照坐光陸離嚴君宅宏
父劔履趨彤墀寅亮侔九功勲庸垂兩儀象賢
儼嘉胄鸞鵠看追隨弓冶一以振綺襦端不移
下帷繼膏火萬卷羅胷竒青年富文翰燦爛琅

玕披遺我吐錦篇眩目呈色絲濁醪共深宵相
驩踰故知因之重睽遠言遲春水漸雙翻凌長
風明當屆秋期月娉憐桂叢篔君最高枝鳳毛
蔚苞采次第輝天池韋平接芳躅濟美裨隆熙
柴桑慰枯朽勿謂成雲泥

秋日送汪西石之清源

未路久要寡况君傾蓋初相逢憐夙昔為別更
踟躕野色秋原外離心落日餘名巖接喬嶽遲
爾共驅車

送徐古石秋曹北上

江館虛懸榻雲司有治曹
離心牽畫舫秋色澹
平臯鳩鵲丹霄近
鷓鴣紫禁高蒼生懷下澤
且莫憚賢勞

贈宋海亭春元

故人今絕響綿邈阻心期
宿草猶縈念芳蘭喜
慰思深盃零雨夕短棹歲寒時
莫訝能相憶平生鮑叔知

閩河馳短景相送一臨岐
白首懷鶯谷青年及

鳳池吳山行際迥京闕望中疑
想見新袍色春風染柳枝

寄方輝山戶部二首

星報初彌節客歲望清源
秀句傳崧嶽芳期阻
笑言鵷鴻自霄漢麋鹿故丘樊
無那澄江夢因君思欲騫

白髮頽榮日青山耀錦年
樹迎春酒淥花近采
衣然極浦看秋鷓高林入暮蟬
衡門如魏野側耳遲鳴鞭

送周在山刺衢州

渺渺三衢道
喧喧五馬行
芳春變堤柳
殘雪霽江城
入境兒童喜
臨關候吏迎
使君多惠政
佇見徹承明

露冕之南郡
蕭然鶴與琴
攀轅秦嶺淚
隨輒越山霖
懋賞知遄及
離懷故莫禁
鴻飛時在望
聊復慰佳音

湛泉

流水蒙莊趣
高懷潘岳居
山雲飛欲度
江月照

常虛塵滓應
難汨淵澄
祇自如未
涸川上
徃天
地亦吾廬

上園

澄塘名族古
佳境上園深
千嶂雲嵐合
兩村桑柘陰
端居遺世慮
高遯足遊心
欲覓灤溪侶
悠然不可尋

寄嚴小石

國寶青年士
高標一見君
寒燈吳苑共
孤棹惠泉分
已慰興居孝
尤多詩禮聞
憐余懷世誼
江

閣望停雲

贈呂姬伯喬

千年銅雀夢往跡邈難攀愁極低蛾黛救慵躄
霧鬟還誰金作屋愛爾玉為顏獨擅喬家秀寧
論伯仲間

送吳草堂

杯酒臨郊候長風吹客衣離心漳浦樹歸夢越
山薇日暮林鴉集天空塞鷗飛到時尋舊隱秋
水上漁磯

送葉二峯將命如新安

南國兵初偃中原歲欲闌離心懸祖帳歸思劇
征鞍遠塞鴈方入長河雪正寒黃山幾千里相
望益瀰漫

寄歸震川別駕

衛津三月別曾次已塵生萍梗憐浮迹枌榆感
故情鳳苞方棘止鵬翮自雲程想見青冥近鳴
珂遲玉京

麟符分半刺雅思近如何鳧舄風猶遠熊轡澤

更多移牀惟坐嘯帶索愧行歌獨念雙魚渺長江空綠波

送王龍池廉察自清泉赴梁苑

為憶銅臺別侵尋十五霜赤霄君自遠白髮我應長金節方辭岱油幢更入梁夷門大河曲惆悵未能杭

乍見仍相送離懷故不禁一杯虛夜月四牡適秋霖素臆傾難盡蒼生望正深停雲在蒿雒知復寄愁心

施龍岡戶部視倉竣事奉其乃翁乞假歸清朝需國寶司會此分曹海嶽閩南粹風雲冀北高官稱餘潔操邦計重賢勞崔孟勲名在行應嗣大褒

不廢班衣侍仍為畫錦行劬勞將父養靡監劇王程綠水搖飛鷁青林度轉鶯雲萍重離合相送一增情

別沈左源

客路誰相慰逢君屬泛萍通家存世誼肯構擅

時名典籍曾中萃江山筆底盈匆匆有離合臨
送一增情

贈鄴下李仁軒春元

鄴下多才彥憐君獨擅英霏談驚玉屑作賦自
金聲山引天容曠溪含柳色明相逢况華景愧
我尚雲萍

羨君臨月殿幾見桂花秋乍曙猶青眼相違已
白頭鵬飛方自迅鴻跡詎能留幸襲煙霞句奚
囊尚可求

似樓為古冲太宰賦

飛榭列參差因高獨擅竒倚天成突兀拔地故
逶迤雲氣通來徃林光互蔽虧文窓結綺粲繡
榻摘星疑巒疊青螺障溪迴素練披遙聞笑語
墮曠視嶽川卑未假憑虛快偏教引望迷潭花
迎日迴沙鳥背人遲島嶼窮閩粵帆檣接武夷
嘯歌元不廢登涉自相宜何處誇重構無妨詠
大堤影憐芳渚亂名羨玉城移百尺留霞境千
層駐月詩底湏論彷彿已復異安危仙署璇霄

上衡廬水竹湄輶車方鞅掌筇杖謾縈思鷗鷺
空栖啄鷓鴻各羽儀拂圖先國計隱几阻心期
勝事傳南國高懷屬我師何時慢亭駕還許一
追隨

石城江津奉送嚴司空慶賀

萬壽聖節之京

萬年崇慶典九葉啓昌圖玉帛堯階會梯航禹
甸趨流虹祥載協降鴻兆應符冠珮留王跡山
川拱帝都季鷹合國寶伯益舊工虞碩望三卿

重雄才五際孚清風宜善頌靈雨似先暎黃屋
嚴宸伏緋衣擁駟驅毗黎驩井陌賓從襍郊郭
華旭搖旌旆新秋泛舳艫鷗鳧看處適鳩鵲望
中迂橫吹澄江森高吟野嶂孤蹊心歸嶽壽遠
夢極蒿呼聖澤濡周宴皇仁懌漢舖星辰光鶴
籞雲物麗蓬壺旣愜朝宗賞行酬側席湏鼎衡
敷啓沃廊廟協計謨道濟三才顯春覃萬宇蘇
蘭金交自固鵬鷃路還殊日暮龍江曲空令念
繫駒

壽張景山

公子傳貂裔翩翩玉樹姿
縻鞅綠世賞帶礪重
明時蘭茝中林秀珪璋韞
積竒咄嗟盤錯利揮
霍泯焚宜習隱山池舊遺
安構穫滋乘春七貴
伴結客五陵期月檻歌鍾
發花丘舞席移麒麟
振公姓鸞鷲嗣光儀星轉
璿衡曜弧縣若木枝
帝後三錫命人益百朋詩
飛鶴浮清吹鳴蟬度
屈卮詎因河朔醉還羨竹
林隨孝友惟張仲高
蹤愛爾追

題蓮竹圖

芳蓮懷潔操脩竹養清風
正氣函鈞化翹然萬

卉中

瀟湘秋月

鳴珮留宵恨哀絃結暮愁
空餘淚竹影和月墮
湘流

七言詩

壽張隱君塘灣代

君家世澤綿且長珥貂七葉
垂銀黃翩翩弓冶

迄殊代千載照耀朱輪光君今獨抱丘樊操况
得幽棲淨中妙布褐慵緝結駟塵白頭不識長
安道門近吳王歌舞臺橫塘淥水自縈迴竭來
麋鹿如可友時下鷗鳧故不猜平生雅致藏雲
壑圖史縱橫卧山閣霞采朝從錦軸分虹輝夜
傍青冥躍閒尋漁父入湖煙野艇依依斷葦邊
醉來瞠視天地窄濁世豈受塵纓牽秋霄孤曜
頻相屬甲子周星歲還續階下蘭生玉作林山
頭桂穎金成粟瀛海仙人白玉樓瑤光初駕下

椒丘授君寶篇向君語駐顏直擬佺期沅采衣
合沓紛觴祝堂上台觀映醞醑方來馳錫賁類
齡信有遺賢在空谷憐余結髮趨清朝若為羈
紲徒煩囂年來始識滄洲樂愛爾山林歲月遙

海鶴蟠桃圖壽顧懷東諫議

闔閭城陰秋色竒諫議宅畔花盆堤閣道霄躔
接狐采晴輝下屬激江湄車門合沓賓履集羲
馭影燦桑蓬枝綺筵高張列炬煙酌以大斗前
陳辭先生浩氣渺垓塢末世汶汶喻者誰少年

讀書破萬卷元氣滿腹光淋漓閉門挾策東海
上抱道若恐令人知賢良下詔久已廢蛟龍未
雨蟠深泥劫來秉筆就繩獲掇取甲第如游嬉
一官僂倮困卑邑夷然笑傲揚雙眉公庭無人
白日靜舜江花鳥閒追隨未幾政成報天子
當展側席墜縈思倒衣倉皇赴嚴召寅恭左掖
忠言裨觸邪指佞本成性高呼折檻遭鞭笞長
安緇塵拂應盡卷衣掉臂柴桑宜歸來啜菽慰
旨養高堂不覺年華滋間舒雙屐五湖曲吳宮

舊跡供新題珊瑚突見瀚海竭葩藻逸發雲霞
披巖頭麋鹿如何招渚上鷗鳧頻結期吁嗟先
生真丈夫窮達在前渾不移華齡五十尚玄髮
橫舟待解商川維平生大節繫群望素絲遲詠
羔羊詩天申介福儼成象此意已向丹青施犇
濤瀕洞沃天日椒丘翰壑相參差度索山前萬
花爛亞枝星實方垂垂五城仙人遠將寄胎禽
風翻真堪携涼秋正中月輪午金波曳練茫無
涯狂歌浮滿為君壽定儼百祿還如茨

壽前山五十

君家衡門潛水曲門外青山看不足義聲千年
重麟趾甲第參差映山麓竭來結轍吳門頭鶯
花不續家山游時窮雲林覓蒼翠幾載明月同
扁舟君今頭顱已半百履齒無痕髮仍黑山容
合讓雙眼青回首要盟尚如昔我願青山常似
君不隨桃李逐芳塵頻招山影金尊底共醉花
前五十年

祝白石左轄七袞

名場藝苑久專雄奕代聲光重我公左掖十年
封疏在西陲萬里屏藩隆赤松心事鴻冥遠白
石年華鶴筭同更喜清尊照花萼滿筵繁露正
秋容

為石子賦一首

孤南曳采酒盈卮綠野秋光入坐宜前列聲華
同諫府遠人德望重邊陲吟來謝氏池塘句看
到燕山桂樹枝獨鶴橫飛方激響清驩真儼百
年期

李嵩山邑博被薦舊吏部

看山拄笏此心期
淶水芳芹碧樹西
魏闕風雲聊却迹
吳門桃李自成蹊
高情不為官資改
清望無須薦剡題
閑詠羔羊仍緩帶
天邊鳩鵲未應迷

清泉奉送新建伯龍陽王公奉使長沙

冊封

思承帶礪已堅盟
南下樓船擁使旌
桐葉剪珪申國典
槐陰羅砌重家聲
三湘茅土天枝衍
七

澤雲煙客眼明
獨有旅人鄉思劇
為君離合一
關情

和陳大理五岳見贈韻奉寄

海岱頻看綠草生
萍蹤多許白鷗盟
已聞棘寺推仁傑
深媿文園卧長卿
千里函書雲共墜
九霄飛夢月俱明
何時定下都門榻
淶酒雄談次第傾

僚倒枝巢太瘦生
喜從緘鯉得同盟
羨君持法堪名相
愧我游談類客卿
官舍茗甕雲樹渺
宮

袍襪約露花明神交天壤何由達九陌還期一
蓋傾

送張推府

使君才望重明時曾向烏臺切論思正氣獨培
千古節片言能折萬人辭漳南吏牘聞良牧塞
北軍書攝遠夷酌次甲兵君自富換將雄畧吞
明時

江南春和倪雲林韻

燒痕漸破籬邊笋晨旭暉暉江郭靜壚頭琥珀

春風香斜颭青帘度山影吳姬滌器柔荳冷曉
鬢環挑窺露井陌上柴車日日巾郊原無處不
芳塵

懽悰鮮時序急榆錢宿露蒼苔濕花信闌珊又
將及美人羅衣春雨碧蕩子從軍向邊邑高樓
日上凝粧立門前柳絮飛作萍年年腸斷亞夫
啓

和龍池贈小燕

學語杏梁迎曙早試翻花鴨受風輕前身自是

昭陽伴謾擬芳情逐曉鶯
花下曾傳女校書佳人風格
格揔相符未論再顧
能傾國已信含顰可治吳

題東湖畫

澄湖縹緲接扶桑雲護南陽
芳草堂有客天池
方振翼未容鷗鷺狎滄浪
萬頃波光淨遠天暮雲東望
隔層煙祇應清禁
還飛夢時在蒹葭浦溆邊

送王鳳洲叅藩浙省

初聞旄鉞暫臨邊
虜干群弛控絃藻句徧留
山上石漢家徒說勒燕然
玉佩麟符出建麾
藩侯今作四方儀
海波不溢
桑麻長想見南邦
頌保釐

山園官舍舊黃圖
緩帶林巒興未孤
只恐九重
頰側席漫教詩思滿
西湖

家近錢塘一水連
板輿何似片帆懸
甘棠曉暎
春暉照無復勞歌
陟此篇

十年言笑夢寬中
杯酒歡看此日同
獨恨樓船

春漲疾白頭猶寄衛川東

贈彭與白

紫馬驚嘶倒屣迎忽看玉樹照人明
名山遠結尋幽約頓覺凌虛逸想生
曉解奚囊破夢投新篇貽我盡琳球
獨憐聚散成飄忽衛水長風急去舟

懷溪為江君良紳作

長溪漠漠淨漣漪猶憶前人倚杖時
無那汀洲春草徧行來偏繫蓼莪思

山扉花鳥一溪涯千里風塵役壯懷
底事臨流倍惆悵松門拱樹正堪哀

送雷半窓

君家舊隱武夷宮黃鶴宵乘下遠空
千丈高松雲壑裏半窓山色尚誰同
衛水維舟幾夜分別來無日不懷君
溪山獨對輕綃上彷彿時時生白雲
瑤篇遺我墨淋漓字字真成照乘音
夜半燈前一開篋猶堪萬里慰相思

浮雲紫氣忽霏微又睹輕帆挂落暉知是慢亭
仙侶在手調丹鼎待君歸

贈李新齊郡丞

東海潮後練水回神鯨一夕起風雷焦枯擬慰
蒼生望待作甘霖徧八垓

飛翠初聞侍漢宮夢刀曾出試銛鋒至今芳口譽
青春候猶散棠陰滿路穠

燕公勲業自中台謾詫君章荆楚材案牘不應
妨岸幘春風常為洗樽壘

聞道經綸學有因盤銘先得講求真即看於變
裨鈞化萬國烝黎耳目新

錦泉

武林嘉麗自年年萬壘青山百道泉獨有錦衣
坊下水却留春色共澄鮮

澄泉流出萬花叢曾被君王綺繡蒙恍見雲霞
常五色儼隨紅紫絢東風

廿年呶弁滯京華樹裏泉聲夢裏餘一望西湖
桑梓地不勝賜斷暮雲遮

一水泠泠振玉琴萬松濤響化臺深泉聲併作
高秋籟驚入天涯孝子心

送傅亨堂工部刺靖州

宏父初聞虛治曹又看方牧著賢勞尚餘戀
主丹心在鳩鵲中天日月高

紛紛壁壘見遐陬宵旰多塵聖主憂却羨楚江
飛燧絕長城今已在邊州

馮翊淮南未是遷待求民瘼藉時賢九重寤寐
思良弼環詔歸君對席前

宵來郤閣一懸燈吳越鄉心捻泛萍底事去留
偏入感清風仍載片帆行

雙節

並節筭禱兩意同共扶羈襯自秦中間閱一望
新安路萬里家山有殯宮

植節艱虞世所難却憐袿服勝纓冠分明百尺
喬柯操新甫徂徠共歲寒

送鄧北坡歸秦中寓感

翩翩裘馬五陵豪不惜千金市寶刀此去家園

正春色却因追賞獨心勞

漢家臺殿昔凌空
踈柳荒坡夕照中
千古興亡君獨感
草堂花鳥足遺宮

長途水雪是秦關
孤劍迢迢匹馬還
愧我江東留滯客
孤城燈火歲將闌

衛津萍梗一相依
又向寒郊送爾歸
紅燭鳴絃幾青夜
祇應飛夢太行西

送李秀江歸潞安

陌上青驄八寶鞍
五陵游子憶家鄉
慈燈莫惜

深宵醉水雪
關河道路長

雙輪遙指萬山西
落日郊原木葉飛
惆悵人生有行役
不堪相送一沾衣

題山茶

寶萼曾聞照殿歡
開時物序捲闌珊
江梅却似憐同調
冰雪依依共歲寒

海棠

輕紅嫩綠殿群芳
疑是真妃舊錦衣
寂寞馬嵬明月夜
風前無復昔時香

丁公

匆匆虎口脫君行剛把封侯博鼎烹莫惟劉郎
重相負更無兵刃接彭城

西子

非關心疾便顰眉妾有深憂那得知只恐君王
謝聲色却教嘗膽竟何為

李夫人

昔向官家斬一辭擬將容色固恩私不知此夕
香魂反還似生時似病時

明妃

不為娥眉惜畫圖要將尤物亂強胡當年濟濟
凌煙閣曾有良工此策無

班婕妤

千金買賦竟難逢輦路依然蔓草豐但願君王
勤乙夜不妨白首閉深宮

清明日海上憶孫二七峯

曲阿江上萬花春玉轡曾聯綺陌塵此日思君
堪下淚殯官寒食柳條新

張氏席上有所見志感

歛眉低唱鷓鴣詞彷彿仙人月裏姿却憶當年
攜手處桃花溪上日斜時

近溪

白板雙扉碧水涯到門鷗鷺慙幽懷稿梧一曲
臨流坐贏得鍾期古調諧
溪上帆檣汎鷁連去來多少利名牽不知真隱
煙霞境却在蕪葭浦溆邊

送蘇後坡自雲中軍幕歸淮揚

一劍風塵萬里回廿年孤抱為君開雲中近報
無烽警知是陳璘有異才

匆匆尊酒論平生未盡燈前一夕傾却慙衛川
疎柳色秋來無計綰離情

幕內陳琳久著賢風塵華髮已盈顛歸來不羨
封侯印賸有城南二頃田

榆柳陰陰弄曉晴片帆南下指蕪城蜀岡春色
冷何許遲爾清尊共月明

送李松溪衛幕

草檄嘗高虎帳名筭緡仍著權曹能春帆一棹
乘流去賸有清風滿路生

宵漢風塵各路岐憐君萍梗即相知東來官署
逾三舍無那雲林重所思

碧草初齊柳帶柔江雲低拂李膺舟錦囊秀句
緘雙鯉遲爾西乘汶水流

篇章遺我盡琅玕展玩時時字欲漫他日相思
何所慰夜深開篋對燈看

黎戶部瑤石使邊被召

武庫蜚英重度支輶車暫向玉關移賢勞不獨
能匡國贏得新篇分外奇

漢家詞客昔行邊但詎相如弩矢還不似君王
勤側席皇華仍拜石渠宣

杯酒欣逢汶水涯廿年雲壤慰相思羨君展足今
千里高步文昌定有期

不禁離合意匆匆衛渚輕帆挂晚風飛夢欲尋
何處所夜深藜照五雲中

毛三吾手鐫親像

渺渺聲容已下泉高堂華髮又依然親顏不謂
丹砂駐彷彿重生刻畫年
風木深心刻未真啼痕常漬鏤痕新憐余亦抱
終天恨送子空悲墓草春

雲竹

紅杏碧桃空自好一枝青玉故嫣然閑雲似識
春風面來共湘川作意妍

代送蕭儀庭

蕭史風流自出塵翩翩玉節照青春君家棠棣

能華國始信清朝有鳳麟
涇土春風送客行柳條無那縮離情別來定有
相思夢宵閣青蕪遠鳳城

送王營岡從征

大將旌旗豎海雲即看東徼殄妖氛全師奏凱
黃金關借著當書第一勲
仗劍遙從六月師三軍爭羨幕中竒歸來佩取
封侯印白首馮唐未較遲

送吳草堂

落落南冠志獨雄
廿年長劍尚飛蓬
醉看明月還多感
萬里揚帆下甬東

蓬池漳浦俱為客
越徼吳門各有家
半載相從復相別
秋來腸斷獨天涯

越客新從河朔行
離亭把袂不勝情
羽書三月無停報
見說東南未解兵

鄴王城南白日陰
啣杯猶惜易分襟
蹉跎旅食今華髮
天際秋風驚客心

送吳公子南還

公子乘春辭帝畿
千行垂柳拂金堤
遙知畫鷁文江上
正及噦噦鳴鴈時
紫絲驕馬氣翩翩
千里春風棹萼邊
此去乘龍應有日
即看雙玉出藍田

壽江寧王懷易

銅雀臺邊春日曛
參差宮殿散晴氛
王家別有蓬萊燕
縹緲仙音隔樹聞

帝子風流沛獻賢
曾聞幾度絕韋編
純心早悟傳家學
豈待知非伯玉年

昨夜天南見瑞星朝來花萼遍宮庭春風正協
填箎奏不羨詩人賦春令
采恩彤日映蓬桑洎上春雲接太行芳殿祝觴
娛采集直教流峙與同長

次趙龍崇右轄過訪贈韻

萬里牙幢來使節野堂冰雪正愁予匆匆投轄
應難駐聞道嚴程畏簡書

名途易改風塵鬢乍見偏驚玉樹姿知是仙人
詩受訣慢亭山下一支頰

藝苑擎旗君獨步騷壇絕臆尚慚予五車漫誦
胷中貯天祿當年舊校書

一語春風吹斷楫即看枯朽已含姿獨憐榮鬢
天厨出禁指令人益朶願

狎鶴

胎禽素羽自翛然巢向瑤京近列仙邀舉故應
超九萬可堪棲啄傍青田

中田

綠野春光徧南畝黃雲晚色自西疇知君勤力

靈臺下樹德年來已有秋

雙樓

一方樓閣此中分
飛榭遙連二室雲
極目河山天萬里
閒來憑眺獨輸君

圭峯

矗矗長峰天外深
端圭顛若副朝簪
誰於物象求真悟
羨爾能興執玉心

蘭

幽香冉冉度微風
獨自含芳九畹中
遠谷雲封

何處覓道傍荆棘
故叢叢

紫菊

彭澤歸來髮未班
風林殘葉滿柴關
甕乾漉酒無人到
祇有黃花學醉顏

杏花

楞伽山下石湖傍
野寺紅橋半夕陽
閒望深村尋酒旆
殘紅偏襯馬蹄香

張使君鑛生魚詠謝

春風蕭寺斷經過
坐愛鮮鱗上綠波
身是田文

門下客不須彈鋏發長歌

雲溪畫

冉冉鮮雲映碧岑
從龍天際亦何心
不須閑度長溪影
四海蒼生望作霖

過張使君郡齋得池字

鈴閣微風拂柳絲
黃紬高擁起偏遲
知君春草能成句
短夢初回自鳳池

東泉

層巖喬木薜蘿村
門外寒泉萬古存
應是石家

滋德地留將餘澤見深源

靈泉百尺自淵澄
雲環苔封石甃平
最愛月高林影薄
晚風疑度玉琴鳴

上園

金谷秋風幾樹存
辟疆春色漫平原
豪游合與幽棲異
羸得高名有上園

矮屋踈籬枕綠濤
長林一望暗晴臯
欲從學圃求先招
忘却區區抱甕勞

題畫

瓜瓞秋乘雨露綿
竭來螽羽故翩翩
良工解作周南頌
莫訝青門蔓草邊
灌木靈禽去復回
群飛三匝若為猜
莫教崑石輕相抵
金印纍纍遲爾來

代送蹇文塘左部

曾參樞筦向神京
畫省仙曹又秣陵
此去鴻達天路遠
由來公望重三卿
翩翩畫鷁載清風
隨處甘霖又向東
剩有去思留井陌
棠陰滿路一叢叢

鳴蟬嘒嘒助悲吟
百里攀轅此日心
雨露共知鈞化力
獨懷恩渥二天深

東泉壽

衛水春殘飛柳綿
高樓歌吹出晴煙
霄來更訝祥星躍
甲子初回慶育年
君家舊隱黃山下
東望幽泉映日澄
斟酌竭來盈大斗
尊前不羨酒如澠
箕裘千載越王孫
構獲無慙禮樂存
遮莫流泉延沛澤
盈科一瀉見源真

舟中餞樂水部

衛水停橈君未行依依鄉語共懸燈一杯未盡
陽關曲無那春宵易到明

中流津鼓發樓舡林薄蒼茫破曉煙此去春風
桃李色只應飛夢五雲邊

蝓蠃集卷之八

終

刻蝓蠃集跋

蝓蠃集者鄭隱君虛舟積稿也隱君少以文
擅名吳中自吳及旁郡縉紳家愛其文爭購
之至者即操觚翰立應之弗為拒履日盈戶
時余歛人尤多尚隱君造門嘗十五馬未幾
赴

趙藩之聘結轍北行凡購文不得隱君皆若
缺然自失也更十年隱君去趙居清源卒業
客趙時所著類書歛人在清源者又益衆至

購文無虛日或海宇縉紳知隱君道清源皆
更造之多以篇翰相屬故卒卒事應酬不遑
暇又十年于茲矣自余交隱君越四十餘載
所得稿甚多心計將請而刻之冗且未逮客
歲余鄉文學吳君左竹首刻其尺牘二編汪
君少石嗣刻北游稿五卷余因得其江南家
居存稿介左竹君再加簡訂叅以近作前刻
未盡者皆登梓焉隱君嘗自署其稿為皓
末藝曰余技止此不為世用徒工何益也

遂仍其舊云

隆慶四年歲舍庚午夏五月旬有二日新安
南溪胡迪謹識

皓蠅集後跋



